

VISCHNAUNCA D'ANDIAST



REGULATIV DAVART

LAS SEPULTURAS

ED IL SANTERI

Cuntegn:**I. Organisaziun, menaschi e survigilonza**

- | | |
|--------|---------------------------|
| Art. 1 | Survigilonza ed execuziun |
| Art. 2 | Pensums |

II. Regulativ davart las sepulturas

- | | |
|--------|--------------------------------|
| Art. 3 | Metter el vischi |
| Art. 4 | Transport da baras |
| Art. 5 | Liug da satrar |
| Art. 6 | Lubientscha da satrar |
| Art. 7 | Preparaziuns per satrar |
| Art. 8 | Cuosts da satrar |
| Art. 9 | Tuccar da miert e da sepultura |

III. Regulativ davart il santeri

- | | |
|---------|----------------------------|
| Art. 10 | Proprietad |
| Art. 11 | Intent |
| Art. 12 | Procura dalla vischnaunca |
| Art. 13 | Register da fossas |
| Art. 14 | Uorden dallas fossas |
| Art. 15 | Dimensiun dallas fossas |
| Art. 16 | Occupaziun dallas fossas |
| Art. 17 | Temps da ruaus |
| Art. 18 | Exhumaziun |
| Art. 19 | Sligar si fossas |
| Art. 20 | Allontanaziun |
| Art. 21 | Qualitad dils vischals |
| Art. 22 | Ramas, segns fossa |
| Art. 23 | Manteniment della fossa |
| Art. 24 | Encarden d'urnas |
| Art. 25 | Schurmetg dil santeri |
| Art. 26 | Prescripziuns subordinadas |

IV. Determinaziuns finalas e penales

- | | |
|---------|------------------------|
| Art. 27 | Determinaziuns finalas |
| Art. 28 | Vigur |

Sebasond sigl art. 12 dalla lescha davart l'igiена publica dil cantun Grischun dils 2 da decemeber 1984 statuescha la vischnaunca d' Andiast il suandard regulativ davart las sepulturas ed il santeri:

I. Organisaziun, menaschi e survigilonza

Art. 1

Survigilonza ed execuziun

La survigilonza sur dil regulativ davart las sepulturas ed il santeri ei adossada alla suprastonza communal. Ella ei responsabla per l'execuziun da tal.

Art. 2

Pensums

La suprastonza communal ha en special ils suandonts pensums:

- a) Relaschar las ordinaziuns pil diever e manteniment dils santeris.
- b) Survigilonza sur la construcziun dils monuments e dallas ramas.
- c) Conceder la lubientscha e dar la disposiziun da rumir ed allontanar la fossa, suenter ch'il temps da ruaus ei spiraus.
- d) Conceder lubientschas extraordinarias per satrar baras da jasters.
- e) Nominar e survigilar il personal necessari per igl uorden da santeri.
- f) Controllar il register da fossas.

II. Regulativ davart las sepulturas

Art. 3

Metter el vischi

Il miert astga vegrir mess el vischi pér cura ch'in miedi, engaschaus en survetsch en Svizra, ha constatau la mort da tal.

Sto ei, muort motivs medicinals ni muort in savanzau process da smarschir dalla bara, buca vegrir ordinau da serrar il vischi pli baul, astga quel star aviarts tochen cuort avon la sepultura.

Per metter el vischi baras cun prighel da contagiusadad, ein las prescripcziuns federalas cumpetentas e decisivas.

Art. 4

Transport da baras

Transportar las baras ei caussa dils parents. Las prescripcziuns specialas da confederazion e cantun ein resalvadas.

Art. 5

Liug da satrar

Tuts morts sin intschesse communal sco era tuttas baras, anfladas sin territori dalla vischunaunca d' Andiast, astgan vegrir satradas sin il santeri da nossa vischunaunca.

Negin sa muort motivs da cardientscha ed autra natira vegrir sclaus d'ina sepultura undreibla sin il santeri da nossa vischunaunca.

La sepultura sa haver liug sil pli baul 48 uras suenter la mort. En cass specials sa il mieri districtual dar lubientschas excepziunalas.

Sin giavisch dil miert ni da ses parents sa la sepultura, cun lubientscha dalla suprastanza communal da leu, era haver liug en in auter santeri public.

Art. 6

Lubientscha da satrar Persunas ch'ein buca stadas sesentas en vischnaunca, buca mortas en vischnaunca ed era buca anfladas mortas sin territori da vischnaunca, astgan vegnir satradas el santeri da vischnaunca mo cun ina lubientscha speciala dalla suprastanza communal da Andiast.

Art. 7

Preparaziuns per satrar La canzlia communal ordinescha il cavar la fossa e preparar tier quella ed en cass specials, sco per exemplu per baras anfladas sin territori da vischnaunca, per las qualas igl ei buca pusseivel d'eruir ils parents e responsabels, prepara ella tuttas mesiras necessarias per la sepultura.

Art. 8

Cuosts da satrar Per cuvierer las spesas da cavar e cuvierer la fossa vegn adossau alla famiglia, respectiv als artavels, ina comensurada taxa. Tala ei prescreetta egl uorden da taxas, approbaus dalla radunanza communal ed aschuntaus a quest regulativ davart las sepulturas ed il santeri.

Art. 9

Tuccar da miert e da sepultura Il cuoz e la dimensiun dil tuchiez da sepultura sedrezza suenter il reglement da tuccar ni igl usit dalla pleiv.

III. Regulativ davart il santeri

Art. 10

Proprietad Il terren dil santeri entuorn baselgia ei proprietad dalla fundaziun eccl. s. Gialetta.

Art. 11

Intent Il santeri ei per nus tratsch benediu e survescha al davos ruaus terester da nos defuncts. Pietad ed engrazievlada enviers els pretendan da tutt vischins da salvar el en duida honur e da tener el bein en uorden.

Art. 12

Procura dalla vischunaunca Alla vischunaunca ei surdada la procura da:

- Erecziun, engrondaziun e reparaturas
- Indrezs da cavar fossa e da satrar
- Cavar fossa e cuvierer

Art. 13

Register da fossas L'administraziun communal meina in plan dall'occupaziun dil santeri, el qual il num, prenum, gi da naschientscha e gi da mort e tuts satrai ein dad impurtar continuadamein. Quei register dils morts ei da controllar dalla suprastonza communal.

Art. 14

Uorden dallas fossas L'ordinaziun della successiun dallas fossas da retscha sedrezza suenter il plan relaschaus dalla suprastonza communal. En las fossas da retscha vegnan ils morts satrai en successiun continuonta. Fossas da famiglia dat ei buca el santeri dalla vischunaunca d'Andiast.

Art. 15

Dimensiun dallas fossas La distanza denter las singulas fossas da retscha ha da comportar sil pli pauc 50 cm. Las fossas ein da cavar cun ina profundidad minimala da 150 cm.

Art. 16

Occupaziun dallas fossas Scadin vischi ei da satrar en ina fossa dapersei. Sin giavisch dil trapassau ni dils parents san urnas era vegnididas satradas en ina fossa gia existenta en ina profundidad da 80 cm. Cheutras vegn il temps da ruaus primar buca prolunghius.

Art. 17

Temps da ruaus Il temps da ruaus per tuttas fossas munta a 20 onns. Eventualas restonzas d'ossa ni dad urnas che vegnan neunavon enten cavar las fossas suenter il temps da ruaus prescret ston vegnir satradas da buna maniera.

Art. 18

Exhumaziun

Igl ei scumandau d'exhumar ina bara avon ch'il temps prescret ei spiraus. Sin fundament d'ina damonda motivada dalla vischunaunca ni dils parents, sa il departement da sanitad conceder ina lubientscha excepziunala. Exhumaziuns da defuncts satrai stattan sut survigilonza dil miedi districtual, che pren las disposiziuns necessarias a risguard la polizia da sanitad.

Art. 19

Sligar si fossas

Suenter il temps da ruaus da 20 onns sa la suprastonza, tenor basegns per novas fossas, ordinar da sligar si parts dil santeri. Vul ella far quei ei ella obligada da publicar quei ufficialmein e comunicar als vegnent-suenter il termin dall'allontanaziun e quei sil pli pauc 3 meins avon.

Art. 20

Allontanaziun

Succeda quell'allontanaziun buca enteifer il temps fixau, sa la suprastonza communalia schar exequir quella lavur tras tiarzas persunas ed ils cuosts per quell'allontanaziun e lavur vegnan mess a quen als parents. Sur monuments e ramas che vegnan buca allontanai enteifer il temps fixau dispona la suprastonza communalia.

Art. 21

Qualitat dils vischals

Il vischi ha dad esser ord in lenn dalla sort lomma. Ei la bara ultra dil vischi aunc enserrada en ina teigia da plastic ni en ina cuvrida da metall, ston quellas vegnir perfurradas avon che la fossa vegni cuvretga, per che la bara survegni aunc aria, per aschia smarschir.

Art. 22

Ramas, segns fossa

Mintga fossa sto vegnir enramada cun ina rama da crap ni da betun. Las ramas duein haver ina mesira da 60 sin 160 cm. Ei sto vegnir tschentau ina crusch sin las fossas. Las cruschs-fossa ston esser da lenn ni da fier zincau e patinau. Cruschs da ghisa ein buc lubidas.

Las cruschs astgan haver las suondontas dimensiuns:

- altezia inclusiv postament	1.00 m – 1.20 m
- ladezia maximala	0.50 m

Mintga crusch-fossa duei purtar num, prenum, onn da naschientscha ed onn dalla mort dil defunct.

Il terren ordeifer la rama, astga buca vegnir surplantaus.

Las ramas e cruschs astgan vegnir eregidas sil pli baul 6 meins suenter la sepultura. Il material restont sto vegnir alontanaus immediatamein da quels ch'exequeschan la laver, sinaquei ch'il santeri resti schubers. Monuments e ramas da fossas cavadas si ein d'allontanar ord santeri entras ils parents.

Art. 23

Manteniment dalla fossa

Tgi che posseda fossas ei obligaus da mantener quellas en bien stan. Duess in ni l'auter tralaschar il manteniment sa la suprastanza communal surdar la laver da remadura ad ina tiarza persuna cun puttametter ils cuosts als parents ch'ein obligai pil manteniment dalla fossa. Il plantar plontas e cagliom sin las fossas ei scumandau, aschigleiti che quellas plontas han disavantatg e consequenza sil contuorn.

Mintgin che rugalescha fossas duei dismetter ils curdems el liug destinau e mess a disposiziun tras la vischunaunca, la quala procura la dismessa da leu. Tschuppials, dils quals ins vul vinavon far diever, ein da prender a casa.

La tgira dalla fossa senza parents procura la vischunaunca entras surdar l'incarica ad ina tiarza persuna, che vegn indemnizada persuenter, aschinavon sco igl ei pusseivel ord il relasch dil defunct. Per garantir il manteniment dad ina fossa senza parents duront il temps da ruaus, dat ei era la pusseivladad dad arver in fondo (conto bancar) cun surdar ina plenipotenza alla canzlia communal.

Il manteniment digl ulteriur terren da santeri ei surschauz alla vischunaunca.

Art. 24

Encarden d'urnas

Las urnas vegnan deponidas sisum da seniester a dretg ed aschia vinavon. Sin giavisch dil trapassau ni dils parents san urnas era vegnididas deponidas en in caum gia occupaus. Cheutras vegn il temps da ruaus primar buc prolunghius. Il temps da ruaus per tuttas urnas monta a 15 onns. Il crap davon mintg'encarden d'urna vegn mess a disposiziun dalla vischunaunca. El duei purtar num, prenum, onn da naschientscha ed onn da mort dil defunct en scartira unica. Ils cuost per l'inscripziun vegnan surpi dils parents.

Art. 25

Schurmetg dil santeri Il visitar il santeri e siu terren ei lubiu a scadin. Scumandau ei en special:

- In sedepurtar disturbond e da canera sigl areal dil santeri
- Donnegiar ni tartignar fossas sco era igl ulteriur terren da santeri
- Encurir ni allontanar plontas e fluras senza dretg
- Visitar il santeri en accumpaignament da tgauns

Art. 26

Prescripcziuns subordinadas Per tuts cass buca stipulai en quest regulativ valan las prescripcziuns cantunalas e federalas.

IV. Determinaziuns finalas e penales**Art. 27**

Determinaziuns penalas Contravenziuns dil present regulativ davart las sepulturas ed il santeri vegnan punidas dalla suprastonza communalia cun castitgs ell'altezia da frs. 50.-- entochen frs. 500.--. L'execuziun dalla disposiziun da castitg sin cuost dil culpont sco la premessa al derschader resta resalvada. La procedura sedrezza tenor las determinaziuns cantunalas ed il proceder da castitg dallas instanzas administrativas.

Art. 28

Vigur Il present regulativ davart las sepulturas ed il santeri va en vigur cun l'approbaziun dalla radunanza communalia.

Approbaus dalla radunanza communalia dils 7 d'october 2005.**En num dalla radunanza communalia:**

Il president: Igl actuar:

Lucas Sgier

Giovanni Damiano

UORDEN DA TAXAS TIER IL REGULATIV DAVART LAS SEPULTURAS ED IL SANTERI DALLA VISCHNAUNCA DA ANDIAST

	Per morts cun davos domicil en vischnaunca	Per morts cun davos domicil ordeifer la vischnaunca
a) Fossa da retscha	negins cuosts	frs. 600.--
b) Fossa dad urna en fossa veglia da retscha	negins cuosts	frs. 300.--
c) Encarden d'urna	frs. 500.--	frs. 1'000.--
d) Encarden d'urna en caum gia occupaus	frs. 250.--	frs. 500.--
e) Exhumaziun	tenor cuosts	tenor cuosts

Remarca Prestaziuns dalla pleiv ein buca incumpridas.

Approbau dalla radunanza communal dils 7 d'october 2005.

Ennum dalla radunanza comunala:

Il presidente: [g] actuar;

Lucas Sgier